



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLVIII - Broj 7 Ponedjeljak, 14.9.2015. godine TEŠANJ	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	--	---

Na osnovu člana 13. i 35. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 4. i 5. Zakona o socijalno-neprofitnom stanovanju ZDK ("Službene novine ZDK" broj 13/13), člana 30. Statuta Općine Tešanj („Službeni glasnik Općine Tešanj“, broj 11/07) i u skladu sa Sporazumom o kreditu sa Razvojnog bankom Vijeća Evrope L/D 1789 (2013) Općinsko vijeće Tešanj, na svojoj 33. sjednici održanoj 11.9.2015.godine donosi

O D L U K U

O IZMJENI I DOPUNI ODLUKE O OSNIVANJU, UPRAVLJANJU, RASPOLAGANJU I KORIŠTENJU STAMBENOG FONDA UZ PRIMJENU PRINCIPA SOCIJALNOG STANOVANJA

Član 1.

Ovom odlukom vrši se izmjena i dopuna Odluke o osnivanju, upravljanju, raspolaganju i korištenju stambenog fonda uz primjenu principa socijalnog stanovanja ("Službeni glasnik Općine Tešanj" broj: 5/15) i to: u članu 4. stav 1) tačka 3. iza riječi "povratnici" dodaje se zarez i riječ "izbjeglice".

Član 2.

U članu 7. zadnji stav određen brojem "2)", zamjenjuje se brojem "3)".

Član 3.

U članu 8. stav 1) tačka 2. iza riječi " na teritoriji BiH" dodaju se riječi "i u zemlji porijekla u slučaju izbjeglica".

Član 4.

Ova Odluka stupa na snagu danom objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-02-1-1187-7/15

Datum: 14.9.2015.godine

Na osnovu člana 13. i 35. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 4. i 5. Zakona o socijalno-neprofitnom stanovanju ZDK ("Službene novine ZDK" broj 13/13), člana 30. Statuta Općine Tešanj („Službeni glasnik Općine Tešanj“, broj 11/07) i u skladu sa Sporazumom o kreditu sa Razvojnog bankom Vijeća Evrope L/D 1789 (2013) Općinsko vijeće Tešanj, na svojoj 33.sjednici održanoj dana 11.9.2015.godine donosi

O D L U K U

O IZMJENI I DOPUNI ODLUKE O STAMBENOM ZBRINJAVANJU KORISNIKA KOLEKTIVNIH VIDOVA SMJEŠTAJA KROZ IMPLEMENTACIJU PROJEKTA „ZATVARANJE KOLEKTIVNIH CENTARA I ALTERNATIVNOG SMJEŠTAJA PUTEM OSIGURANJA JAVNIH STAMBENIH RJEŠENJA“

Član 1.

Ovom odlukom vrši se izmjena i dopuna Odluke o stambenom zbrinjavanju korisnika kolektivnih vidova smještaja kroz implementaciju Projekta "Zatvaranje kolektivnih centara i alternativnog smještaja putem osiguranja javnih stambenih rješenja, broj:01-02-1-1187-4/15 od 16.06.2015.godine ("Službeni glasnik Općine Tešanj" broj: 5/15) i to: u članu 3. stav 1) tačka

1. iza riječi povratnici dodaje se zarez i riječ "izbjeglice".

Član 2.

Član 8. stav 1) mijenja se i glasi:

"1) Na osnovu kriterija iz prethodnog člana ove Odluke nadležni organ Općine Tešanj vrši popis svih stanara kolektivnih centara i alternativnog smještaja i utvrđuje listu korisnika u skladu sa uslovima koje će propisati Ministarstvo za ljudska prava i izbjeglice i UNHCR, a koji su neophodni za utvrđivanja ispunjavanja kriterija statusa i identiteta osoba i dužine njihovog boravka u smještaju u kojem su bili do tog trenutka, kao i za ocjenu nivoa ugroženosti i specifičnih potreba korisnika po osnovu pripadnosti ranjivim grupama definisanim u Kriterijima iz člana 7. ove Odluke."

Član 3.

U članu 9. na kraju stava 1) iza riječi UNHCR-a "tačka" se zamjenjuje "zarezom" i dodaje se tekst: "a na osnovu akta koji će propisati MHRR u saradnji sa UNHCR-om."

Član 4.

U članu 11. stav 2) iza riječi "u skladu sa" a ispred riječi "člana 25" dodaju se riječi: "principima iz člana 2. i".

Član 5.

U članu 12. na kraju stava 2). "tačka" se zamjenjuje "zarezom" i dodaje se tekst: "ukoliko nije drugačije propisano ovom odlukom".

Član 6.

U članu 13. stav 1) iza riječi "stambenih jedinica" riječi "mogu biti" se zamjenjuju sa "su", a na kraju stava 1) "tačka" se zamjenjuje "zarezom" i dodaje se tekst: "izuzev člana 28. stav 2)".

U članu 13. na kraju stava 2) "tačka" se zamjenjuje "zarezom" i dodaje se tekst: "uključujući besplatnu pravnu pomoć, prikupljanje dokaza i dokumentacije ex officio kad god je to moguće, te oslobođenje od plaćanja administrativne takse u postupku subvencioniranja zakupnine."

Član 7.

U članu 14. stav 1) tačke koje su određene brojevima "1. 2. 3. 4. 5. 6. 7." Zamjenjuju se slovima „a), b), c), d), e), f), g)“.

U članu 14. stav 1) tačka b. iza riječi "ako zakupac" dodaju se riječi "ne koristi stambenu jedinicu koja je predmet zakupa isključivo za stanovanje u periodu dužem od 60 (šezdeset) dana, bez obavještenja zakupodavca; ako se utvrdi da zakupac ima dovoljno

prihoda da je u mogućnosti plaćati zakupninu, ali je uprkos tome ne plaća u skladu sa ugovorom o zakupu;"

Član 8.

U članu 18. stav 1) iza riječi i „drugim pravima“ dodaju se riječi „pod najpovoljnijim uvjetima“.

U članu 18. stav 2) iza riječi „relevantne dokumentacije“ dodaju se riječi „uključujući besplatnu pravnu pomoć, te prikupljanje dokumenata ex officio kad god je to moguće“.

Član 9.

U članu 19. iza riječi mišljenja „tačka se zamjenjuje „zarezom“ i dodaju riječi „naročito ne po osnovu činjenice raseljenja ili po bilo kom drugom osnovu.“.

Član 10.

Ova Odluka stupa na snagu danom objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Senad N. Subašić, s. r.

Broj: 01-02-1-1187-8/15

Datum: 14.9.2015.godine

Na osnovu člana 363. stav 3. tačka 3. Zakona o stvarnim pravima ("Službene novine FBiH", br. 66/13 i 100/13), član 4. tačka c). Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova ("Službene novine FBiH", br. 17/14) i člana 14. Statuta Općine Tešanj ("Službeni glasnik Općine Tešanj", br. 11/07), Općinsko vijeće Općine Tešanj, na svojoj 33. redovnoj sjednici, održanoj dana 11.9.2015.godine, donosi

O D L U K U

o izmjeni i dopuni Odluke o odobravanju prodaje zemljišta neposrednom pogodbom u Mekišu

Član 1.

U Odluci o odobravanju prodaje zemljišta neposrednom pogodbom u Mekišu Općinskog vijeća Tešanj broj:01-49-2-1039-21/15 od 16.6.2015.godine ("Službeni glasnik općine Tešanj", broj:5/15), iza član 1., dodaje se Član 1 a., koji glasi:"

“ODOBRAVA SE prodaja neposrednom pogodbom zemljišta ukupne površine 1202 m2 k.p.broj:846 upisana u PL 1156 K.O. Mekiš (prema podacima zemljišne knjige k.č. broj:1405/1) radi oblikovanja građevinske parcele na kojoj će se graditi otkupna

stanica za otkup jagodičastog voća, povrća i ljekovitog bilja”.

Kupoprodajna cijena zemljišta označenog kao k.p.broj:846 PL 1156 K.O. Mekiš bit će procjenjena od strane ovlaštenog sudskog procjenitelja shodno važećim zakonskim propisima i ista će biti navedena u ugovoru o prodaji zemljišta a koji će u ime općine zaključiti općinski Načelnik.

Član 2.

Ostali dio teksta Odluke o odobravanju prodaje zemljišta neposrednom pogodbom u Mekišu Općinskog vijeća Tešanj broj:01-49-2-1039-21/15 od 16.6.2015.godine (“Službeni glasnik općine Tešanj”, broj:5/15), ostaje nepromijenjen.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-31-7-1741-8/15

Datum: 14.9.2015.godine

Na osnovu člana 13. Zakona o principima lokalne samouprave u FBiH (“Službene novine FBiH”, broj 49/06 i 51/09) i člana 14. Statuta Općine Tešanj (“Službeni glasnik Općine Tešanj” broj 11/07) Općinsko vijeće Tešanj, na svojoj 33. sjednici održanoj dana 11.9.2015. godine, donosi

O D L U K U o saradnji Općine Tešanj i Općine Šoštanj (Slovenija)

Član 1.

Odluka o saradnji Općine Tešanj i Općine Šoštanj (Slovenija) se donosi u cilju nastavka razvoja prijateljskih veza na temelju obostranog razumijevanja, te uspostavljanje različitih oblika saradnje, razmjeni ideja i realizaciji projekata od zajedničkih interesa u oblasti obrazovanja, privrede, kulture, turizma, sporta, zaštite prirodnog i kulturnog nasljeđa i drugog

Član 2.

Općinsko vijeće Tešanj odobrava i podržava nastavak saradnje između Općine Tešanj i Općine Šoštanj iz Slovenije, te ovlašćuje Općinskog načelnika Općine Tešanj da precizira i potpiše Sporazum o saradnji Općine Tešanj i Općine Šoštanj.

Član 3.

Ova Odluka stupa na snagu narednog dana od dana objavljivanja u “Službenom glasniku Općine Tešanj”.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-49-2-1750-2/15

Datum: 14.9.2015.godine

Na osnovu člana 10. stav 2. Zakona o porezu na promet nekretnina („Službene novine Zeničko-dobojskog kantona“ broj 6/09) i člana 14. Statuta Općine Tešanj (“Službeni glasnik Općine Tešanj” broj 11/07) Općinsko vijeće Tešanj je na svojoj 33. sjednici, održanoj dana 11.9.2015. godine, donijelo

R J E Š E N J E o imenovanju Komisije za procjenu vrijednosti nekretnina u prometu

I

Imenuju se dvije komisije za procjenu vrijednosti nekretnina u prometu, na period od dvije godine, u sastavu:

Prva Komisija:

1. Nermina Bešlagić, mr.arh.,
2. Muharem Mulabdić, dipl.agronom,
3. Kasim Bekrić, dipl.oec.,

Druga Komisija:

1. Enes Bećarević, dipl.ing.geodezije,
2. Muharem Kruško, dipl.oec.,
3. Arif Mularifović, dipl.iur.

II

Zadatak komisije je da u vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09).

III

Ukoliko jedan od članova Komisije bude nedostupan u momentu potrebe koordinator može pozvati člana druge Komisije.

Naknadu za rad članovima Komisije iz tačke I ovog rješenja će odrediti Općinski načelnik na osnovu mjesečnog izvještaja o izvršenoj procjeni prometa nekretnina ovjerenog od Porezne ispostave Tešanj.

IV

Primjenom ovog rješenja prestaje primjena rješenje o imenovanju Komisije za procjenu vrijednosti nekretnina u prometu broj 01-49-2-2094/13 od 30.08.2013. godine. godine („Službeni glasnik Općine Tešanj“ broj 7/13).

Ovo rješenje se primjenjuje osmog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Senad N. Subašić, s. r.**

**Broj: 01-34-6-1755-2/15
Datum: 14.9.2015. godine**

Općinsko vijeće Tešanj je na svojoj 33. sjednici održanoj dana 11.9.2015. godine, razmatrajući Informaciju o stanju bezbjednosti na području općine Tešanj za I polugodište 2015. godine i bezbjednosti učesnika u saobraćaju na području općine Tešanj, donijelo sljedeći

ZAKLJUČAK

Prima se na znanje Informacija o stanju bezbjednosti na području općine Tešanj za I polugodište 2015. godine i bezbjednosti učesnika u saobraćaju na području općine Tešanj.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Senad N. Subašić, s. r.**

**Broj: 01-04-1-1767-2/15
Datum: 14.9.2015.godine**

Općinsko vijeće Tešanj je na svojoj 33. sjednici održanoj dana 11.9.2015. godine, razmatrajući Informacija o završetku školske 2014/2015. godine i upisu učenika u školsku 2015/2016. godinu u osnovnim i srednjim školama na području općine Tešanj, donijelo sljedeći

ZAKLJUČAK

Prima se na znanje Informacija o završetku školske 2014/2015. godine i upisu učenika u školsku 2015/2016. godinu u osnovnim i srednjim školama na području općine Tešanj.

**OPĆINA TEŠANJ
OPĆINSKO VIJEĆE
PREDSJEDAVALJUĆI VIJEĆA
Senad N. Subašić, s. r.**

**Broj: 01-38-5-1648-2/15
Datum: 14.9.2015.godine**

Na osnovu člana 30. Statuta Općine Tešanj (Sl. glasnik Općine Tešanj, br. 11/07) Općinski načelnik donosi

RJEŠENJE

o imenovanju Koordinacionog tima za izradu plana implementacije i izvještavanje o realizaciji strateških planova na godišnjem nivou

I

Ovim rješenjem imenuje se tijelo za izradu plana implementacije i izvještavanje o realizaciji strateških planova za 2015. godinu, koji čine članovi šire društvene i poslovne zajednice:

1. Hamzaliya Hojkurić, Općina,
2. Mirsad Šaranović, JP RAD,
3. Sabahudin Omerbašić, Općina,
4. Hajrudin Subašić, Općina,
5. Fadil Begović, JP Elektroprivreda,
6. Sabrija Kavazović, JU CSR,
7. Mirnes Dedukić, Općina,
8. Edina Kadušić, Općina,
9. Ernad Prnjavorac, JU Muzej,
10. Azra Muslija, Općina,
11. Esmir Bašić, JU Biblioteka,
12. Mirsad Srkalović, UG Sportski savez,
13. Mensur Saletović, Općina,
14. Izudin Alić, Općina,
15. Ferid Mustafić, Općina,
16. Safet Jašić, JU CSR,
17. Himzo Bošnjak, JP RAD,
18. Aida Salkić, JU Gimnazija,
19. Ismar Alagić, JP TRA,
20. Mirza Bejtić, JP TRA.

II

Koordinacioni tim ima zadatak da definiše godišnje ciljeve, izradi plan implementacije, vrši monitoring i mjesečno izvještava Općinskog načelnika o realizaciji strateških planova za 2015. godinu.

III

Općinski načelnik shodno Strategiji razvoja 2013-2018 (11. Operativni dio, str. 69) vrši izvještavanje Općinskog vijeća o realizaciji strategije na godišnjem nivou.

IV

Ovo Rješenje stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-49-2-1739-2/15

Datum: 27.07.2015. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 13. Odluke o utvrđivanju standarda i kriterija za imenovanje na upražnjene pozicije u reguliranim tijelima („Službeni glasnik Općine Tešanj“ broj 8/03) i člana 30. Statuta općine Tešanj ("Službeni glasnik Općine Tešanj" broj 11/07) u postupku imenovanja na položaje u organima u kojima je Općina Tešanj osnivač, a nakon provedene procedure za izbor kandidata po javnom oglasu i utvrđivanju rang liste, Općinski načelnik kao odgovorni javni službenik donosi

RJEŠENJE

**o konačnom imenovanju
Predsjednika i članova Upravnog odbora
JU Sportsko - rekreacioni centar Tešanj**

I

Za predsjednika i članove Upravnog odbora JU Sportsko - rekreacioni centar Tešanj imenuju se:

1. Ajanović Emina, predsjednik,
2. Kotorić Jasmin, član, i
3. Halilović Adnan, član iz reda uposlenih.

II

Mandat imenovanih počinje teći 28.08.2015. godine i traje 4 (četiri) godine.

III

Ovo Rješenje stupa na snagu danom donošenja i bit će objavljeno u „Službenim novinama Federacije BiH“ i „Službenom glasniku Općine Tešanj“

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-34-5-1288-3/15.

Datum: 28.08.2015. godine

SADRŽAJ

I - AKTI OPĆINSKOG VIJEĆA

Strana

108.	Prijedlog Odluke o izmjeni i dopuni Odluke o osnivanju, upravljanju, raspolaganju i korištenju stambenog fonda uz primjenu principa socijalnog stanovanja	104
109.	Prijedlog Odluke o izmjeni i dopuni Odluke o stambenom zbrinjavanju korisnika kolektivnih vidova smještaja kroz implementaciju projekta "Zatvaranje kolektivnih centara i alternativnog smještaja putem osiguranja javnih stambenih rješenja",	105
110.	Odluka o izmjeni i dopuni Odluke o odobravanju prodaje zemljišta neposrednom pogodbom u Mekišu	105
111.	Odluka o saradnji Općine Tešanj i Općine Šoštanj (Slovenija)	106
112.	Rješenje o imenovanju Komisije za procjenu vrijednosti nekretnina u prometu	106
113.	Zaključak prima se na znanje Informacija o stanju bezbjednosti na području općine Tešanj za I polugodište 2015	107
114.	Zaključak prima se na znanje Informacija o završetku školske 2014/2015. godine	107

II - AKTI OPĆINSKOG NAČELNIKA

21.	Rješenje o imenovanju Koordinacionog tima za izradu plana implementacije i izvještavanje o realizaciji strateških planova na godišnjem nivou	108
22.	Rješenje o konačnom imenovanju Predsjednika i članova UO JU Sportsko - rekreacioni centar Tešanj	108

